

Raja ada tugas

B.H 170011989

penting: PM

DATUK Seri Dr Mahathir Mohamad berkata, raja yang memerintah mempunyai tugas penting dalam mempertahankan kedaulatan sistem demokrasi berparlimen dan raja berperlembagaan serta keutuhan perlembagaan.

Perdana Menteri menegaskan, sistem itu dan prlembagaan negara mewujudkan panduan untuk Institusi Raja, Dewan Negara, Dewan Rakyat dan Jemaah Menteri bekerjasama untuk kepentingan negara serta kemajuan rakyat.

"Kita mahukan kerjasama ini berjalan secara berterusan dan dengan penuh persefahaman," katanya ketika membentangkan usul ucapan tahniah dan ikrar taat setia ke atas pemilihan Sultan Azlan Shah sebagai Yang di-Pertuan Agong Kesembilan di Dewan Rakyat, semalam.

Usul itu yang dibahasakan dan disokong

oleh semua parti komponen serta pembangkang, diluluskan.

Perdana Menteri berkata, kerajaan masih meneruskan usaha yang lebih positif untuk menjamin perpaduan yang erat antara rakyat pelbagai kaum.

"Seri Paduka adalah sumber perpaduan rakyat. Saya percaya Seri Paduka dapat melaksanakan tugas itu dengan penuh bijaksana memandangkan sikap Seri Paduka yang begitu mesra dengan rakyat serta mengambil berat mengenai kebajikan rakyat," katanya.

Datuk Seri Dr Mahathir yakin Seri Paduka dapat menjalankan tugas dengan penuh bijaksana dan saksama serta mereka yang lain turut mengambil bahagian sewajarnya.

Menurutnya, dengan adanya persefahaman yang erat itu, perjalanan pentad-

biran negara akan sentiasa berkesan serta produktif.

Katanya, beliau dan ahli Dewan Rakyat mengucapkan tahniah kepada Seri Paduka dan Raja Permaisuri Agong Tuanku Bainun sempena istiadat pertabalanan yang lalu.

"Istiadat pertabalanan Seri Paduka berjalan dengan sempurna, penuh adat serta gilang-gemilang. Istiadat itu disambut oleh rakyat dengan penuh gembira dan ia juga adalah detik bersejarah dalam tradisi pemilihan raja yang memerintah negara ini mengikut sistem demokrasi berparlimen dan raja berperlembagaan," katanya.

Beliau berkata, semua pihak akan bekerjasama sepenuhnya untuk berkhidmat dengan bersih, cekap dan amanah demi kemajuan negara serta kesejahteraan rakyat.